



Moderamen
GBKP

Ibadah



keluarga

Kamis, 30 April 2020

PERSIKAPEN

- Nikapken persiapen guna ibadah, Alkitab ras perlengkapen sidebanna
- Adi lit ibas rumahta sibanci main musik gelah iiringi ibadahta reh sikapna gitar, keyboard ras sidebanna.

RENDE KEE 317:1-2

(Ibabai Anak)

Sipuji Tuhan arah geluhta
si inget tetap ngaruhNa banta
Ban kleng ateNa nebusi kita
Terkelin kita si tek man baNa

Segedang gluhta, inget Dibata
bas krina paksa, ngaraplah baNa
Tetap ukurta rembak ras IA
Erbas si erguna ula erleja

ERMASMUR ANTIPONAL

((Dilaki ras Diberu))

DL : TUHAN adil dengen ngena ateNa perbahanen si mehuli. Kalak si ngelakoken perentahNa, nggeluh me i bas adep-adepenNa.

DB : Ernalem aku ku bas keleng ateNdu si tetap. Meriah ukurku perbahan ipulahiNdu aku. O TUHAN rende aku man banNdu. Sabap lalap mehuli perbahanNdu man bangku.

DL : Ningku man TUHAN, "Kam kap Tuhanku; kerina si mehuli kwaloken i bas Kam nari."

DB : TUHAN mereken upah si mehuli bangku, sabap kulakoken si bujur, ipasu-pasuNa aku erkiteken la kubahan salah.

Kerina: Ersembah man TUHAN mehuli kap, tetaplal e rasa lalap. Putusen TUHAN adil kap, dengen tetap rembang tengah.

RENDE "FIRMANMU"

(Ibabai Anak)

FirmanMu pelita bagi kakiku terang bagi jalanku 2x
Waktu ku sesat dan hilang arahku, tetaplal Kau di sisiku
Dan takkan ku takut asal Kau di dekatku, bersertaku selamanya.....oo....
FirmanMu, pelita bagi kakiku terang bagi jalanku.

NGOGE KATA DIBATA : PILIPI 4:8

(Ibabai Anak bas jabu)

RENUNGEN

Perjumpaan Paulus ras Jesus erbahanca cara rukuma berubah. Ndube sope lenga tandaina Jesus maka ia rukur mersik (radikal). IA akapna si payona, janah si la bagi ia akapna imbangna. Emaka ayak-ayakna ndube kalak si tek man Jesus. Kenca enggo jumpa ras Jesus maka lanai bage carana rukur. Kerina erpalasken kiniteken, pengarapen ras keleng ate. Jenari i bas teptep masalah lit si mehuli (Rm.8:28). Emaka i bas renungenta sendah pe si idah maka Paulus mereken pengajaren si asa genduari enggo jadi palas kalak rusur mereken motivasi nggeluh. Rusur si begi kata motivator : "mari berpikir positif." Enda enggo leben iajarken Paulus dua ribu tahun si lewat. Nina ndai banta, "Kedungenna o senina-seninangku, ukurilah kerna si mehuli, e me kerna si bujur, mulia, benar, bersih, mejile ras kerna kerina si patut ipuji."

Kata kedungenna (akhirnya) merupakan sada kesimpulan si ate Paulus lit i bas kegeluhen perpulungen Pilipi. Kai kin e: ukurilah kerna si mehuli, e me kerna si bujur, mulia, benar, bersih, mejile ras kerna kerina si patut ipuji." Enda kerina si positif. Alu bage maka ula sempat si negatif nggeluh bas perukurenta. Kai negatif? Kerina kebaliken si positif enda. Adi positif caranta rukur maka kulanta pe sehat janah kita pe tetap mejuah-juah melala pe tantangenta bagi si genduari. Emaka buatlah rusur si mehulina i bas kerina situasi ras kecibalta.

PERTOTON SYAFAAT

Ibabai sekalak anak.
(kerna keluarga, pemerintah, Para medis, Ekonomi, Gereja, rsd)

RENDE KEE No 388:1-3

(Ibabai Nande)

Tupung tayang aku nginget Kam, gedang berngi ku ukuri Kam
Sabab Kam si nampati aku, o Dibata tedeh teku Kam
Ref...

O Dibata, Kam kap Dibatangku, Ku dahi tedeh ateku Kam
Mesikel aku nandangi Kam, desken taneh si enggo kerah
Bage me muasna tendingku, man baNdu Tuhan Dibatangku.

Sabab Kam si nampati aku, teruh kabengNdu rende aku
Di ras Kam meriah ukurku, O Dibata kam sekawalku
Ref....

Nteguh cikep tanku o Tuhan, teneng ukurku adi ras Kam
La ku mbiar jumpa percuban, malemate 'di rembak ras Kam

PERTOTON TUHAN